

Vuk'uzenzele

Niyethulelwa WuPhiko Lohlelo Lukahulumeni Lwezokuxhumana Nokudluliswa Kolwazi (i-GCIS)

IsiZulu/English

Nhlanguvana 2022 Ushicilelo 1

Abahlengikazi bezilwane bokuqala baseNingizimu Afrika bathweswa iziqu.

Allison Cooper

Ukuba ngomunye wabahlengikazi bezilwane bokuqala ezweni kuwukufezeka kwephupho kusakhamuzi sase-Randburg uPhumelela Mthimkhulu (21), owaqala ukuthanda izilwane esayingane.

UMthimkhulu usanda kuthweswa iziqu ze-*Bachelor of Veterinary Nursing* eNyuvesi yasePitoli (i-UP), okuyisona kuphela isikhungo esiqeqeshela ukwelashwa kwezilwane eNingizimu Afrika.

"Angikakholwa namanje. Ukwazi ukuthi ngibe yingxenyekilasi lokuqala elifunde iziqu ze-*bachelor*, okuthathe iminyaka ukuzithola, kuyintokozo enkulu.

"Ngiyabonga ngamathuba kanye neminyango ezosivulekela ukuze siqhubeke nezifundo zethu futhi sibe ngongoti emkhakheni wethu,

okwakunzima ukukwenza phambilini."

U-Tariman Fisher, uMongameli weNhlango Yabahlengikazi Bezilwane yaseNingizimu Afrika, uthi le yingqophamlando kulo mkhakha eminyakeni engama-42 waba khona.

"Iziqu ezintsha zeminyaka emithathu zizonika abahlengikazi abaneziqu ithuba lokubhalisela izifundo ze-*post-graduate*, okwethenjwa ukuthi kuzogcina ngokuholela ekuthwesweni iziqu ze-*honours*, ze-*masters* neze-*PhD*."

Odokotela bezilwane belapha izilwane lapho zilimele nalapho zigula, okufana nemisebenzi ehlinzekwa wudokotela lapho elapha abantu. Abahlengikazi bezilwane babalulekile emathimbeni omsebenzi wabelaphi bezilwane, kusho uMthimkhulu.

"Amanye amakhono abalulekile abahlengikazi wukubonisa ukunakekelwa kweziguli, ukuxoxisana

namaklayenti, ukusiza odokotela bezilwane ngezinqubo zokwelapha, kanye nanoma yini ezosiza isibhedlela sezilwane sisebenze ngokusezingeni eliphambili.

"Kungeminye yemisebenzi enenzuzo enkulu. Uma ufuna ukuba ngumhlengikazi wezilwane, ungavumeli ukwesaba noma ukuswela ulwazi kukunqande ekukuzameni nasekukuthokozeleni ngoba kuzoshintsha impilo yakho ngendlela engcono," kusho uMthimkhulu.

Imifundaze yokubhekana nokuntuleka kwamakhono

Ngenxa yokuntuleka kwamakhono kulo mkhakha, uMthimkhulu akabanga neninga yokuthola umsebenzi.

"Ngibe senhlalhleni yokuthola umsebenzi Esibhedlela Sezilwane sase-Fourways ngonyaka wami wokugcina ngifunda. Ngaqalaukusebenza

khona cishe emuva kwenyanga ngibhale izivivinyo zokuhlolwa zokugcina zami futhi ngikuthokozela ngazo zonke izikhathi," usho kanje.

I-*Health and Welfare Sector Education and Training Authority* (i-HWSETA) izibophezele ekubhekaneni nokuntuleka kwamakhono okukhulu emkhakheni wezokwelashwa kwezilwane kanye nokuqinisekisa uguquko.

Isanda kwethula uMkha-

khanso i-*Veterinary Science Career Guidance Campaign*, ngokubambisana noMnyango Wezemfundo Ephakeme Nokuqeqesha, futhi izovakashela izikole zasemakhaya ukukhuthaza abafundi ukuba bacabange ngokuthatha umkhakha wokufundela umsebenzi wezokwelashwa kwezilwane.

Imemezele imifundaze

Iqhubeka ekhasini lesi-2




UPhumelela Mthimkhulu ungumhlengikazi wezilwane wokuqala kuleli ukuthweswa iziqu.



Landa ikhadi lakho lelayisensi yokushayela

Ikhasi lesi-2



Sakha kabusha izimpilo emva kwezikhukhula

Ikhasi lesi-3



Ukuze ufunde iVuk'uzenzele thola i-GOVAPP ku:



Bheka u-SA Government ku-Google playstore noma ku-appstore

UNGASITHINTA LAPHA

Vuk'uzenzele

@VukuzenzeleNews

Iwebhusayithi: www.gcis.gov.za I-imeyili: vukuzenzele@gcis.gov.za
za www.vukuzenzele.gov.za Ucingo: (+27) 12 473 0103

Tshedimosekiso House:

1035 cnr Frances Baard and Festival streets, Hatfield, Pretoria, 0083

ELAMAHHALA ALITHENGISWA

Isuka ekhasini loku-1

engama-60 yokubhekana nokuntuleka okubucayi kodo-kotela bezilwane ezindaweni zasemakhaya eNingizimu Afrika.

"Imifundaze ibheke kakhulu abafundi basezindaweni zasemakhaya njengoba bengathatha ulwazi lwabo balubuyisele emakhaya," kusho uDkt. Nomfundo Mnisi, uSihlalo we-HWSETA.

IPhini likaNgqongqoshe Wezemfundo Ephakeme, Ezesayeni Namasu Amasha, uButi Manamela, uyamukele imifundaze.

Isigaba Semfundo Sezesayensi Yokwelashwa Kwezilwane sase-UP sizosiza i-HWSETA kwezokwazisa, ukuxhasa imifundaze kanye nemikhankaso yokuhehela abafundi kulo mkhakha.

"Sizophindesize i-HWSETA ekuphatheni imifundaze, ezokhishelwa abafundi bezesayensi yokulashwa kwezilwane abasonyakeni wokuqala abavela emaqoqweni aqokiwe,"

kusho u-Chris van Blerk, iNhlolo Yezokuxhumana Nezemithombo Yezindaba kwiSigaba Semfundo Sezesayensi Yokwelashwa Kwezilwane sase-UP.


Uthi intsha efisa ukulandela ezinyathelweni zikaMthimkhulu ngokubhalisela iziqu ze-bachelor's degree yokuqala e-UP kudingeka ukuba ibe neSitifiketi sikaMatiku-letsheni (i-NSC), noma iziqu ezilingana nalezo, futhi ihlangabezane nezidingo zalo mkhakha.

"Ukuze ifunde iziqu ze-Bachelor of Veterinary Nursing, kumele ibe noMphumela wamaPhuzu Okwamukelwa angekho ngaphansi kwama-28 kanye ne-NSC eneSingisi Ulimi Lwasekhaya noma IsiNgisi Ulimi Lokwengezela Lokuqala, izibalo, kanye ne-physical science noma i-life sciences," esho engezela.

Ukuze uthole olunye ulwazi ngomkhakha, intsha ingaxhumana nezikhungo zokwelashwa kwezilwane ezizimele

"Ngiyabonga ngamathuba kanye neminyango ezosivulekela njengabahlengikazi ukuze siqhube izifundo zethu futhi sibe ngongoti emkhakheni wethu, okwakunzima ukukwenza phambilini."

noma ikhulume nodokotela bezilwane baku-compulsory community service (i-CCS) abayingxenywe yoMnyango Wezolimo, Izinguquko Kwezomhlaba kanye Nokuthuthukiswa Kwezindawo Zasemakhaya (i-DALRRD) ezweni lonke.

"Uhlelo lwe-CCS luhlose ukuhlinzeka ngemisebenzi yokwelashwa kwezilwane okufinyelelekayo kuyo nengambi eqolo ezindaweni ezingahlinzekelwa ngokwanele nezingenazo izinsiza ezifanele eNingizimu Afrika. Ngakho, odokotela bezilwane abasohlelweni bazohlala besebenza njengemithombo yolwazi ethembekile," kusho u-Van Blerk. 

Indlela yokufaka isicelo

Ukufaka isicelo seminye yemifundaze, abafundi abafisayo kumele bafake izicelo ze-Bachelor of Veterinary Science kanye ne-Bachelor of Veterinary Nursing e-UP (zombili iziqu ezingakhethwa) ohlelweni olusebenza nge-inthanethi lwase-UP ku-www.up.ac.za/online-application. Izicelo akumele ziqondiswe ngqo e-HWSETA Usuku lokuvala lokufakwa kwezicelo ngumhla wama-30 kuNhlanguana.

Ukuze uthole olunye ulwazi ngemisebenzi efundelwayo emkhakheni wezesayensi yokulashwa kwezilwane e-UP, vakashela ku-www.up.ac.za/faculty-of-veterinary-science.

Ukuze uthole olunye ulwazi ngemifundaze ekhona emkhakheni, vakashela ku-www.up.ac.za/faculty-of-veterinary-science/article/33926/bursaries-for-veterinary-science-studies

Landa ikhadi lakho lelayisensi yokushayela

Abashayeli abafake isicelo esisha noma sokuvuselela sekhadi lelayisensi yokushayela noma imvume yokushayela ngokomsebenzi i-professional driving permit (i-PrDP) phakathi kukaMfumu noZibandlela ngonyaka odlule banxuswa ukuba bawalande.

NgokweNhlango Elawula Izimoto Emgwaqeni (i-RTMC), ngama-42% kuphela amakhadi elayisensi yokushayela kwayizi-32 748 akhiqizwe ngalesi sikhathi aselandiwe.

UNgqongqoshe Wezokuthutha uFikile Mbalula uvule izikhungo ze-RTMC eziqondene namalayisensi okushayela e-Midrand nase-Eco Park ngonyaka odlule, ukuze kubhekanwe noku-



silela emuva komsebenzi wamayisensi okushayela aphelelwe yisikhathi ngenxa ye-COVID-19.

I-Akhawunti Yekhadi Lelayisensi Yokushayela, ephrinta amalayisensi, isebenza ngaphandle kokunqamuka ukuze kusheshiswe ukukhiqiza futhi ihambisana nezinhlelo zokuqeda ukusilela emuva ekupheleni kukaNhlanguana.

I-RTMC ithi abantu

bangabheka isimo sesicelo sabo ngaphambi kokuya esikhungweni sezamayisensi ukuyolilanda.

Lokhu kungenziwa nge-SMS noma nge-inthanethi.

Ukubuza ngeLayisensi yokushayela nge-SMS

Ukubuza ngeLayisensi yokushayela, abafakizicelo bangathumela izinombolo zikamazisi zabo nge-SMS ku-33214. Bazothola enye yama-SMS alandelayo:

- *Application received: The application was received, but has not yet been processed.*
- *Production queue: The card is still being processed and manufactured.*
- *Produced and ready for collection: The card will be ready for collection in 21*

days. However, due to the high number of cards being processed, the RTMC advises you to wait 35 days before going to collect.

- *Problem card: There is a problem with the production of your card. Please return to the testing centre.*

Maqondana nombuzo ngesicelo se-PrDP, thumela inombolo kamazisi yakho ku-44220.


Ukubuza ngeLayisensi yokushayela nge-inthanethi

Ungakwazi nokubona isimo sesicelo sakho mahhala nge-inthanethi.

- Vakashela u-online.natis.gov.za.
- Akha iphrofayili bese ungena.
- Cofa isimo sesicelo sakho

kudeshibhodi.

Labo abanamalayisensi aphelelwa yisikhathi phakathi kukaNdasa 2020 nomhla ka-31 kuNcwaba 2021, abeqiwa umnqamula-juqu wokuvuselela ngomhla wesi-5 kuNhlaba, belulekwa ukuba bathole amalayisensi okushayela esikhashana uma befaka izicelo zabo zokuvuselela ukuze baqhubeke nokuhambisana nomthetho.

Nakuba izikhungo ze-RTMC zivula ngoMso-mbuluko kuze kube yiSonto kusukela ngehora lesi-7 ekuseni kuya kwelesi-9 ebusuku, amalungu omphakathi akhuthazwa ukuba ajoyine olayini abafishane ngoLwesihlanu nangempe-lasonto. 

Ulwazi luhlinzekwe i-RTMC



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Head of Editorial and Production
Regomoditswe Mavimbela
Regomoditswe@gcis.gov.za

Acting Editor-in-Chief
Zanele Mngadi | Zanelemngadi@gcis.gov.za

Acting Managing Editor
Tendai Gonesse | tendai@gcis.gov.za

News Editor
Noluthando Motswai

Writer: More Matshediso

Graphic Designers
Tendai Gonesse | Benny Kubjana

Production Assistants
Jauhara Khan | Sebastian Palmer

Language Practitioners
Nomgcibelo Motha | Boitumelo Phalatshe
Thandolunywe Magudulela | Sizwe Ziqubu

All rights reserved. Reproduction of the newspaper in whole or in part without written permission is strictly prohibited.

Vuk'uzenzele
is published by Government Communications (GCIS)



Printed by:



Distributed by:





Ukwakha kabusha impilo nendlela yokuphila emuva kwezikhukhula.

Sekucishe kuphele izinyanga ezimbili izingxenywe zaKwaZulu-Natali, eMpumalanga Kapa naseNyakatho Ntshonalanga zikhahlaneyezwe yizikhukhula, okwadala ukudlula kwenqwaba yabantu kanye nomonakalo wempahla nengqalasizinda. Kamuva nje bengivakashele eThekwini KwaZulu-Natali ukuyohlangana nosomabhizinisi edolobheni ukuze sibasize ezinhlelweni zabo zokuvuselela imisebenzi yabo.

Kwathi lapho kugasela lo monakalo wemvelo, kwaba nokukhathazeka ngokuthi iziphathimandla zazingenawo amakhono futhi zingeke zikwazi ukubhekana ngokufanele nangokugculisayo nesimo esibucayi salabo abalahlekelwa yikho konke.

Emuva kokuvakashela leli dolobha okwesibili selokhu kwaba nezikhukhula, kungicacele ukuthi lokhu kukhathazeka kwakuyiphutha. KwaZulu-Natali, njengaseMpumalanga Kapa naseNyakatho Ntshonalanga, bonke ababambiqhaza babesebenza kanzima ukuze lezi zifundazwe zivuke emuva komonakalo.

Isikhungo Sokuphatha Izinhlekelele Kuzwelonke besididiyela zonke izinhlekelele zikahulumeni ezinhlelweni zazo zokuhlinzeka ngosizo kubantu emakhaya amaningi akhahlamezeka. Kuye kwathokozisa ukubona

izinhlangano ezingekho ngaphansi kukahulumeni, amabhizinisi kanye nezinhlangano zosizo zihlanganyela nohulumeni ekuhlinzekeni ngosizo oludingeka kakhulu.

Bonke laba babambiqhaza bahlinzeke ngokudla, izingubo zokugqoka, izingubo zokulala, okunakekela umzimba kanye nemifaniswano yesikole emindenini eswele ukuze ihlangabezane nezidingo zayo eziyisisekelo. Njengamanje kunabantu abangaphezu kwezi-7 000 abahlinzekwa ngosizo lokufihla ikhanda ezifundeni ezine ezikhahlaneyezwe kakhulu KwaZulu-Natali. Umsebenzi sewuqalile wokwakha izindawo zokuhlala zesikhashana zemindenini ethintekile, emhlabeni kahulumeni ohlonziwe KwaZulu-Natali ukuze kuzanywe ukuba bahlale khona.

IMinyango kahulumeni, okungowaseKhaya, owezeMpilo nowezokuthuthukiswa Komphakathi ubusiza imiphakathi ethintekile ngokuthola usizo olusemqoka. Isibonelo, kusetshenziswa amahhovisi angomahambanendlwana ukusiza labo abalahlekelwa yimibhalo esemqoka ezikhukhuleni ukuze bathole omazisi bamakhadi kanye nokuba bakhishelwe izitifiki zokuzalwa kabusha. Imisebenzi yezempilo ekomahambanendlwane, okubandakanya ukugomela i-COVID-19, ihlinze-

kelwa abantu ezindaweni lapho zingakasebenzi ngokugcwele izikhungo ngqo. Kumiswe izindlela zokukhokha izibonelelo zikahulumeni kubantu abathintekile.

Kuthengwa amaklasi angomahambanendlwane ukuze ukufunda nokufundisa kungezukuphazamiseka isikhathi eside ngaphezu kwalokho okufanele ezikoleni ezithintekile.

Umsibenzisi uyayiqhubeka wokulungisa uhlelo lokuhlazwa kwamanzi oluthintekile, iziteshi zokuphampa amanzi namapayipi ahambisa amanzi. Imigwaqo elimele iyalungiswa. Kuhlelwe ukuba kwakhiwe amabhulohlo ayishumi nesishiya galombili amasha njengengxenywe yohlelo lwe-Welisizwe Rural Bridges.

Kube nenqubekela phambili enkulu ekulungiseni ingqalasizinda esemqoka eyesekela iChweba laseThekwini. Ngenxa yokubaluleka kwechweba emnothweni wezwe kanye nasezwenikazi, ukungena nokuphuma kwezithuthi echwebeni sekuvuselelwe, imisebenzi yasechwebeni iqhubeka ngokugcwele futhi imisebenzi yokulungisa ingqalasizinda yojatshi iyaqhubeka.

Kumiswa izindlela zokwengezela zokuhlinzeka ngosizo lwezimali ukusekela amabhizinisi

amakhulu namancane akhahlamezekile. Lokhu kudingeka ngokuphuthumayo ukuqinisekisa ukuthi amabhizinisi ahlala esebenza futhi kungabi nokuphela kwemisebenzi.

Ezikhathini ezahlukene emlandweni wentando yeningi labantu yethu, siye sabhekana nezigameko kanye nezimo ezihle ubungako bamandla abantu bakithi kanye nokusebenza ngempumelelo kwezikhungo zethu.

Sikubonile ukubumbana nokusekelwa okumangalisayo kwemiphakathi ethintekile KwaZulu-Natali, eMpumalanga Kapa naseNyakatho Ntshonalanga. Ohulumeni bomasipala kanye nabesifundazwe bebesebenzisana ngokusondelana neminyango kazwelonke kanye namaejensi ukuze abantu bakwazi ukwakha izimpilo zabo kabusha futhi bavuselele imisebenzi yezomnotho yasendaweni.

Bebesebenzisana nabo bonke ababambiqhaza kuzo zonke lezi zindawo ukuqinisekisa ukuthi sibambisana ngempumelelo ezinhlelweni zokuvuselela kanye nokuthi siyahlela futhi sakhe kabusha ngendlela ekwazi ukumelana nezigameko ezinzima zalolu hlobo ngomuso.

Ukubekwezela kwemiphakathi ethintekile, ukuzimisela kwayo ukuphumelela kanye namandla



ayo okubambana ngezikhathi zokuxakeka kudale ukukhathazeka. Sibethulela isigqoko bonke ababe yingxenywe yezinhlelo zokusiza abantu basezifundazweni ezithintekile.

Njengohulumeni, sihlanganisa zonke izinsiza ezikhona futhi senza yonke imizamo ukuqinisekisa ukuthi, njengoba sakha kabusha, angabibikho noyedwa osala ngaphandle. **V**